

# Janz schön Kölle

Text & Musik: Domstürmer - Homepage: [domstuermer.net](http://domstuermer.net)

Wie all die Leeder, die mer singe,  
häs do die Kraff, Lück zo verbinge.  
Op unsrem Heimatstään bes do die Mam,  
met der mer laache und kriesche kann.  
Do kanns e Dörp sin, bes kein Provinz.  
Et jitt kei Schicksal, wat de he nit fings.  
Die große Welt un der kleine Jeck  
unger einem Daach, an der selven Thek.

## **Refrain:**

**Janz schön laut, janz schön wild,  
janz schön Kölle.**

**Un verdamp schön ahnzesinn.  
Do wees die Minsche noch verzaubere,  
wenn ich lang im Himmel bin.  
Janz schön laut, janz schön wild,  
janz schön Kölle.  
Links un rääts vum ahle Fluss.  
Millione Leechter, hell un düster.  
Mir sin Kölle, durch un durch.**

Do bis jewaabe, un häs jelidde,  
doch du wors Dir immer treu.  
Ding freche Schnüss, es niemols leis.  
Un irjendwann nemm ich dich mit  
op ming letzte Reis.

## **Refrain: Janz schön laut, janz schön ...**

Millione Leechter, hell un düster.  
Mir sin Kölle, durch un durch.

## **Refrain: Janz schön laut, janz schön ...**

Millione Leechter, hell un düster.  
Mir sin Kölle, durch un durch.  
Janz schön laut, janz schön wild,  
janz schön Kölle.

Quelle: WDR - Sing mit Köln! 11.11.2016